

atque consilio in omni officio et humanitate, quæ et alia vobis reddere non possumus, vobis retribuat retributor omnium bonorum Deus. Nos autem et fratres nostri vestræ paternitatis servi devoti in tranquillitate et bono pacis sumus, protegere studentes in domo Domini juxta modicum virium nostrorum. Valete.

XI.

Epistola G. ad Ervism abbatem fratrem suum. — Ejus se commendat precibus, mitsilae ei munuscula.

Reverenti domino suo et fratri amantissimo ERVISO ecclesiae S. Victoris abbatii, G. ejus soror, ibi esse ubi ad ipsam est,

Multum valet deprecatione justi assidua, quanto magis igitur illius præcellit oratio, qui peculiari sanctitatis prærogativa mundum cum suo flore sub pendibus conculeans, mente et operatione divinæ voluntati assistit. Nos ergo, frater mi dilecte, quamvis non parva chaos disjungat intercapodo, tamen non solum carnis affinitate, verum etiam orationum in Christo, devotione excepto coniunctulari. Hinc ergo sanctitati vestræ prosperitatis meæ statum denuntians, me virumque meum sanos et hiliare esse propalao. Mundusculum quoque tam grata quam jucunde suscipiat non minori exiguum; quam magnum amplectentes diligentia, per Petrum namque hauulum vobis transmittit albam pellem ursinam, dentemque rotallinum, et duos cultellos argento C deauratos. De cetero deinde est quod multi ex nostris tribus se ex viri mei parte dicentes, ad pietatis vestræ portum consurgent. Cui autem tales imagines similes dixerim, quam cani famelico, qui ubicunque prævaleat cibum acquirit. Ergo itaque in veritate dico, quod nullum ad vos præter Salomonem et Joannem transmissem. Ut autem amboages eorum qui ad vos quasi ex mea parte transmissi veniunt delegantur, rogo quod aliquod a vobis mihi trans destinetur, quod hujus rei inter nos intersignum esse prævaleat. Item istud oro quod a vobis mihi gariophylum et capelus mittatur. Salutat vos Salomon pro universitate beneficii ex pietate vestra ei collati, debitor gratiarum devotus vobis existens. Vestre quoque voluntati obnoxius pro magna quidem habiturus, si quid ei mandare vellellis.

I.

Alexandri et Theoderici cardinalium ad Guarinum abbatem. — Gratulantur ei de sua promotione, horantur ut construendis magnis adficiis non insistat.

ALEXANDER, dignatione divina, tituli Sancti Lauren-

XII.

Epistola Odonis cardinalis ad Ervism abbatem S. Victoris. — Conimendat ei famulum et negotia ei commissa.

Odo, Dei gratia, S. R. E. dictus cardinalis et apostolicae sedis legatus, dilecto fratri E. abbatii S. Victoris, salutem.

Latorem præsentium famulum nostrum, quem pro quibusdam negotiis nostris ad vos transmisimus, dilectioni vestræ commendamus, ut in his quærendis quæ sibi injunximus diligentiam adhibeatis. Volumus eniū ut duo bacillia, calicem, thuribulum et reliqua ad capellam, si opportunum inveneri, acquirat et cambium faciat, et rogamus ut eum adjuvetis.

XIII.

B. Epistola Jonæ canonici ad Ervism abbatem S. Victoris. — Missus Cæsar Burgum rogat revocari ad S. Victorem.

Erviso Patri suo spirituali, Dei gratia B. Victoris Parisiensis abbatii, F. JONAS suus qualiscunque canonicus, miser exsul ac peregrinus, quam non habet ipse, salutem.

Inveni, charissime Pater, verissime dici:

*Nescio qua natale solum dulcedine cunctos
Dicit, et immemores non sinit esse sui.
Sic sera, sic volucris, sic piscis nota requirit
In quibus ante locis pascua parvus habet.*

Nam locum ego illum cunctis jure præfero locis in quo me mater gratia cum multis fratribus sponsu suo genuit Christo, ubi ego esse vellem, ut apud Cæsar Burgum non essem, Nec mirum :

*Perfidus hic populus, et regis amor metuendus.
Hic terræ steriles, et vinea nulla superstes,
Silva caret solis, desunt sua pascua pratis,
Est mare confine, sed mortis mille ruinae.*

Dulcissus hic nihil est quam mala posse pati.

sunt præterea quæ intrinsecus latent,

*Ansia cura domus, rerum possessio parca,
Quam querunt muli, non dare crimen erit.*

ut ego haec patiar, quod crimen admisi? Si nullum mitius exsilium et vestra potuit præcepisse obedientia, et mea invenisse ignorantia. Ne pigrat itaque tam pius pastorem oveum reducere ceatesimam, et benignum patrem filium e regione dissimilitudinis redeunte suscipere perditum. Non rogo stolam primam, non vitulam saginatum; sed fiat mihi sicut uni ex mercenariis vestris. Vale.

EPISTOLÆ GUARINI ABBATIS.

tii in Lucina, et THEODERICUS tituli S. Vitalis presbyteri cardinalis apostolicae sedis legati, dilecto in Christo fratri GUARINO, abbatii S. Victoris, exerceri semper in justificationibus Dei.

Scribimus fratribus nostris Senonensi et Bituricensi archiepiscopis, sicut vobis et Ecclesiæ vestre

credimus expedire. Sane in honore vobis imposito, et gaudemus super eo quod factum est, quoniam ad salutem multum, auxiliante Domino, provenire speramus, et letamur quod difficultatem provisionis vobis impositæ attenditis et timetis. Utinam hoc religio vestra semper attendat, et cum timore et tremore consideret, cui et unde in die judicii oporteat rationem reddere! Credimus eam quia non facile locus dabitur negligentiæ, si hoc sedulo fuerit in animo vestro versatum. Antecessor vester sicut et alii multi de magnarum domorum constructione solliciti fuere: vos qui electi estis a Domino, et veniendo ad religionem talia dimisistis (33) in sæculo, sedete ad pedes Jesu cum Maria, et audite verbum ex ore ipsius, quod commissis vobis ovibus et aliis qui ad vos venerint proponere debeatis, ne, si forte terrenis ædificiis construendis decreveritis insendum, evangelicum illud valeatis audire: *Omnes ædificationes istæ destruentur, et nec lapis super lapidem relinquetur.* Porro et nos bona spe quam de vestra religione concepimus, et testimonio pia vestrae conversationis imbuti, et personam vestram in visceribus charitatis babere proponimus, et negotia commissæ vobis Ecclesiæ in timore Dei libenter voluntus promovere.

II.

Alexandri papæ III ad canonicos S. Victoris. — Cessionem Ervisii et Guarini promotionem confirmat.

ALEXANDER episcopus, servus servorum Dei, dilectis filiis canoniciis Ecclesiæ S. Victoris Parisiensis C. S. et A. B.

Quanto ecclesia vestra, etc. Vide in *Alexandro III papa.*

III.

Alexandri papæ III ad Guarinum, abbatem S. Victoris. — Gratulatur ei de sua electione, hortaturque ut pastoris vices diligenter obeat.

ALEXANDER episcopus, servus servorum Dei, dilecto filio GUARINO, abbati Sancti Victoris Parisiensis, S. et A. B.

Intellecto et cogitato, etc. Vide in *Alexandro III papa.*

IV.

Guarini, abbatis S. Victoris, ad Joannem cardinalem Neapolitanum. — Se non posse ei quos petierat fratres mittere, uno jam defuncto, altero graviter ægrotante; sed et ægre alios mitti posse.

Reverendo domino et Patri in Christo charissimo J., Dei gratia, S. R. E. cardinali, GUARINUS, ecclesiæ B. Victoris Parisiensis minister humilis, salutem in Domino, et promptum cum devotione servitium.

Prædecessori meo de duabus fratribus, ac denuo cerata epistola, idem parvitat meæ vestra mandavit sublimitas, ipsos quos volebatis, utrisque in litteris etiam subjunctis nominibus, Petrum videlicet Peteragoricum et Hugonem de S. Germano specialiter

(33) Hinc colliger licet Guarinum illustri suisse genere ortum.

(34) Fons Joannis monasterium est ordinis Cisterciensis in diœcesi Senonensi, a dynastis de Corte-

A designasti, quorum alter, Deo vocante, transiit; reliquus vero sine spe evadendi morbo incurabili infirmatur. Cum autem morte et languoris præpondente molestia, eorum posset neuter destinari, quid agere nesciens, dominos Senonensem ac Bituricensem aliquos prudentes ac religiosos viros conveni, quid super hoc mihi faciendum consulerent: laudaveruntque ex quo in vestra epistola eligendi pro voluntate alterius nihil reliqueratis arbitrio, alias non esse tutum dirigere, ne forte onerosi magis quam grati, si non eos quos volebatis misissem, sed alias. Ob hoc etenim differendum consuluerunt, ut comperta vobis multiplici Ecclesiæ necessitate, compassionis visceribus, parcendo ei, vestra pietas descendat. Viri quippe religiosi, quorum quandam religione et providentia regebatur Ecclesia, maxima jan obierunt ex parte, paucique surrexerunt post eos. Domus perturbationibus fasigata, oppressa debitibus, bonis temporalibus nuda. Et, si inter tot curarum angustias, eos paucos, qui mihi remanserunt, qui me adjuvando supportare debent, cogor dimittere; et, si oculos qui mihi religionis et disciplinae debent viam monstrare, perdidero, de facili profecto errare continget, nec solus potero onus et providentiam domus portare. Tandem, humanum dico, secreta infirmitate operiens mortem, valde et propter terræ insuetam asperitatem et aeris qualitatem corruptam fratres pavescunt: quoniam si nostrarer laici cum illic vadunt, quive spatiandi, eundi et redeundi habent libertatem omnimodam, vix vel modicum vivere possunt; isti claustro clausi, quomodo vivere in longinquis possent? Has causas et occasiones fratres prætendunt, unde et gravissimum duco eis injungere quod si sit, contra voluntatem suscipitur; si non sit, periculose valde negatur. Parcat igitur nunc, domine, infirmitatibus nostris vestrae clementia magnitudo, et ecclesiæ instantes attendite necessitates. Ego enim, in quibuscumque potero, vestris sum paratus obedire mandatis.

V.
Guarini, abbatis S. Victoris, ad Alexandrum papam III. — Ejusdem argumenti.

Sanctissimo Patri et domino ALEXANDRO, D. i. gratia, universalis Ecclesiæ summo pontifici, GUARINUS, Ecclesiæ S. Victoris Parisiensis minister humilis, salutem in Domino, et subjectionis omnimodæ devotissimum famulatum.

Exigitati meæ, etc. Vide in *Alexandro III papa.*

VI.

Gilduini, abbatis Fontis Joannis, ad Guarinum, abbatem S. Victoris. — De annona quam ab eo matuo petebat.

Venerabili et dilecto Patri GUARINO, abbati cœnobii S. Victoris, frater GILDUINUS Fontis Joannis (34) abbas eum obsequio, salutem.

nao anno 1124 fundatum, in quo monasticam olim professionem emisit S. Guillelmus postea archiepiscopus Bituricensis.

Dilctioni vestræ et fratrum vestrorum possibili-
tatem nostram obsequi voluntatii sumus. Annona
vero quam vobis exposcitis commodari magna ex
parte jam præparata est, scilicet a paleis excussa.
Proinde provideat charitas vestra, ut apud gran-
giam nostram, quæ apud Moretum est, feria v post
festum S. Jacobi, nuntium vestrum præsentem inve-
niamus. Non autem mittatur navis donec pervenerit
nuntius yester, qui nobiacum annonam videat, et
quantum sine gravamine domus nostræ poterimus,
libentissime commodabimus. Vale.

VII.

*Joannis, comitis Augi, ad Guarinum, abbatem S. Vi-
ctoris. — Ut canonici quos Augum direxit, consue-
tudines Aroasie obseruant, alioquin recedant.*

GUARINO, Dei gratia, abbatii S. Victoris Parisien-
sis, JOANNES comes Augensis, salutem et dilectione-
meli.

His litteris discretioni paternitatis vestra insi-
nuare curavi, quam graviter et quam aspere et quasi
infestaunter barones mei in me insurgentes totusque
clerus meus, multæ quoque religiosissimæ personæ
me afflentes incessanter vituperant, pro eo quod
de Ecclesia Augi sic contra rationem inconsulte
disponere decreverim, et quod vestros canonicas
contra institutum patris et meum in ea receperim.
Obijciunt enim mihi id quod verum est, scilicet,
quia pater meus ex quo canonicos regulares apud
Augum zelo Dei instituit, statim assensu Galfridi,
archidiaconi Rothomagensis, et postea rogatu et
admonitu atque exhortatione Hugonis (35) archiepi-
scopi Rothomagensis, donavit et ego concessi eccle-
siam prædictam in manu abbatis Arwasie (56) ad
tenendum et conservandum ordinem in perpetuum
secundum regulam beati Augustini, et ita quod ab-
bas Augi semel in anno revisitaret capitulum ec-
clesiae S. Nicolai de Arowasia, ut si quod minus esset
reintegraretur. Quapropter mando, mandans quo-
que vestræ diligentissimæ paternitati supplico,
eamque super omnia rogo et obsecro ut pax in Ec-
clesia Augi habeatur. Rogero abbatii et sociis ejus.
quos ad nos transmisisti per obedientiam præcipia-
tis, et præcipiendo injungatis, ut secundum morem
et consuetudinem Arowasie ordinem religionis in
Ecclesia Augi teneatis, aut omnino recedant. Nolo P
enim amplius ferre sententiam excommunicationis
quæ proinde super me Dominicis diebus singulis
datur. Grave etenim mihi videtur quod tandem eam
sustinui. Quod si haec non feceritis, veraciter dico,
quia nunquam amplius eos dilexero; sed destruam
in quibuscumque potero. Vale.

(35) Hic est celeberrimus ille Hugo, ex abbatte Rad-
dingensi creatus archiepiscopus Rothomagensis,
cujus libros vii Dialogorum edidimus tom. V Anec-
dotorum.

VIII.

*P. cardinalis ad Guarinum, abbatem S. Victoris. — Quid egerit pro negotio S. Victoris, et quid facien-
dum consulat.*

G., Dei gratia, S. Victoris abbati, totique conven-
tui, eadem gratia tituli S. Chrysogoni presbyter
cardinalis, salutem et sinceram amoris perseveran-
tiæ.

Accepimus nuper litteras devotionis vestræ et do-
luimus non solum Ecclesiæ gravamen, verum etiam
prudentiam vestram nescio quorum consilio seu
cahititate adeo declinasse, quod ad pedes archiepi-
scopi humiliati, quæ alius rapuit vos sponderetis
solutiuros. Cum enim nos pro liberatione Ecclesiæ
vestras totis misib[us] totaque sollicitudine nos oppo-
neremus parti adversæ, duplex nobis incumbebat
labor. Primo probare quidem rem tali personæ et
taliter commissam a vobis minime deberi. Deinde
quia cecideratis in causa, innocentiam et paupert-
tem vestram commemorando, vos a tam gravi casu
relevare, requirebamus humiliiter et devote a domi-
no papa ut vos a petitione domini archiepiscopi
faceret penitus absolviri. Sed quia tanta difficultas
negotii, archiepiscopo omnia imperanter ei precise
quasi de jure requirente, inaudita est nostra petitiæ.
CImpetravimus tandem litteras quam meliores poli-
mus et judices, quibus per litteras nostras preces
porrigimus affectuosas, ut justitiam vestram illasam
modis omnibus conservare studeant. Nunc igitur
oculos vos oportet habere apertos et circumspectos.
Si enim inter vos et archiepiscopum amicabilis non
poterit compositio pervenire, cum dominus papa,
cognitis utriusque partis rationibus, ad solveendum,
nisi quæ in usus Ecclesiæ versa fuisse constiterit,
vos minime cogat, nec istud iudicibus, sed tantum
causam sine debito terminandam præcipiat, et in
aliquibus vos præjudicio gravari censeatis, respon-
dendum erit vobis constanter. Nos si incaute quid-
quani promisimus indebitum, reddere nec possumus
nec debemus. Sed ad instar pupilli, si lapsus fuerit
vel lubrico consilio vel adversariorum dolo, resi-
tuendi sumus, alioquin in voce appellationis libere
procedere; quoniam et litteræ domini papa taliter
dictata sunt, ut vobis appellationem minime prohibe-
beat. Nec oportebit tunc aliquem de fratribus ad nos
usque propter haec defatigari, sed unus de pueris
vestris rem gestam referat nobis, et nostram circa
vos sollicitudinem experiri poterit.

IX.

*Hugonis Petri Leonis cardinalis ad Guarinum et
capitulum S. Victoris. — Dolet de facto Ervissi
quondam abbatis, suaque illis offert obsequia.*

Dilectis in Christo fratribus GUARINO abbatii, priori
et universo capitulo S. Victoris HUGO PETRI Leo-

(36) Aroasia, dicta etiam Aridagamantis, insignis
est abbatia in diœcesi Atrebateni, caput ordinis seu
congregationis Aroasiensis, cuius elogium habes
apud Jacobum de Vitriaco in Hist. Occid.

nis (57), Dei gratia. S. Angeli diaconus cardinalis salutem et dilectionis affectum.

Quanto dilectionem vestram sincerioris brachiis charitatis amplectimur, tanto dolemus amplius et turbamur, cum vos vel monasterium vestrum adversati cuilibet subjacere audimus, quod in prosperitate gaudere et praे ceteris Gallicanæ provinciæ monasteriis præ sui honestate ac religione sovemus, et nomen celebrius cognovimus extulisse. Visis siquidem litteris vestris, quibus nobis factum Ervisii quondam albatis vestri significasti, turbati fuimus, et vehementi amaritudine cordis percussi, utpote qui dolorem vestrum nostrum penitus reputamus, et in letitia vestra plurimum gratulamur. Ad medelam igitur tanti doloris et gravaminis, petitionem vestram quanta potuimus instantia et sollicitudine promovere curavimus, et quod non est in omnibus sicut voluntus effectui mancipatum, nobis tantum displicuit quantum vestram timemus deficere voluntatem. Inde est quod universitatem vestram rogamus et exoramus attentius, quatenus de nobis tanquam de speciali vestro plenius confidentes, et posse nostrum vestrum omnimode reputantes, pro vestris et Ecclesiæ vestræ negotiis ad nos cum omni fiducia recurritatis, ut operis exhibitione vobis luce clarius enitescat, quanto circa vos dilectionis fervore ducamur, et ad impendenda grata vobis obsequia promptissimus omnimodis et parati. Propositum etenim et immobilem gerimus voluntatem ea efficere quæ vobis noverimus complacere, et ad decorum et augmentum domus et religionis vestræ debeant pertinere.

X.

Bernardi cardinalis ad Guarinum abbatem et capitulum S. Victoris.—Condoleat graramini monasterii Sancti Victoris, commendaque illis Bernardum nepotem suum.

BERNARDUS (38) Dei gratia Portuensis et S. Rufiæ episcopus, venerabili fratri GUARINO ecclesiæ B. Victoris abbati et capitulo, salutem et Deum deorum in Sion videre.

Vestræ religionis gratarter susceptis litteris, ipsarum tenorem diligenter meditatione considerare non omisimus, vestræ domus ruinam et gravamen non modicum attendentes. Verum quia nostrum est a crebris concussionibus tueri Ecclesiæ, et vestram præcipue, quam quasi propriam reputamus, et cuius assidua, ut credimus, oratione protegimur, interposimus partem, domino papæ instanter suadentes ut vestram in tanto casu Ecclesiæ pontificali gratia protegeret et studiosius defensaret. Quod taliter denum factum esse credimus, ut si vestra propensior cura sollicite studuerit, parva vel nulla restituzione pecuniae prædictam vestram gra-

(37) Is anno 1173 ab Alexandro III creatus diaconus cardinalis, apostolicæ sedis in Gallia, Anglia et Scotia legatus fuit.

(38) Is fuerat canonicus Lateranensis, creatus ab Eugenio III cardinalis titulo S. Clementis, translatus ab Adriano IV ad Portuensem et S. Rufiæ

A vabit Ecclesiam. Petimus igitur et propensius sumdemus, quatenus vestre orationis non subtrahentes munus, Deum incessanter pro nobis exorare dignemini, quia nostra, in quantum poterimus, nullatenus vobis deerit protectio: rogantes quatenus Bernardum nepotem nostrum more solito diligatis, honeste illud quod cum Nicolao clericu nostro ei promisisti pro hospitio largientes. Hoc enim charius habebimus, quam si in propria deponeretur camera. Præterea rogamus, quatenus latori præsentium misericorditer vestra provideat discretio, pro impenso servitio ei congruum exsolventes beneficium, quo suam inopem possit defendere vitam. Scitis enim hunc multoties se morti et periculis pro vestra Ecclesia fideleriter opposuisse.

XI.

Joannis Neapolitani cardinalis ad Guarinum abbatem et fratres S. Victoris.—Gratias ei referit de concesione Petri canonici quem ei miserat, omnemque ei curam et sollicitudinem pro suis negotiis promittit.

JOANNES Neapolitanus (39) indignus presbyter cardinalis dilectis in Domino fratribus et amicis charissimis G. abbati et conventui S. Victoris Parisiensis salutem et sincerum amorem.

Multimodas gratiarum actiones vobis referimus, quia juxta tenorem precepti domini papæ et nostre postulationis destinastis nobis fratrem Petrum, virum utique morum honestate et scientia laudabilem, quem cum honore receperimus, et cum multo honore circa nos tenemus. Et postquam receperimus alios canonicos de ecclesiæ ordinis vestri, quibus dominus papa eodem modo scripsit sicut et vobis, cum multa et solemnni honoriscentia instituimus in ecclesia, quam per gratiam Dei magnifice construximus, et amplissimis possessionibus datussumus. Amodo igitur quasi ex debito tenebimus omni vite nostræ tempore propensius diligere et juvaré Ecclesiam vestram in omni possibilitate nostra juxta voluntatem vestram. Et nunc quoque super quæstione illa quam archiepiscopus Lundensis indebitè contra vos movere dignoscitur, sic effecit juvimus sicut oportuit et necessarium fuit. Quod itaque plenius cognoscetis, postquam scriptum litterarum domini papæ, quas Lundensi

D archiepiscopo pro vobis mittit, legeritis, ut ante judices quos dominus papa delegavit ad cognitionem et decisionem querimoniae, quam jam dictus archiepiscopus contra vos facit, propitiis vobis sint. Sic ut et partem vestram attentius manu tenere studeant, nostras eis litteras mittimus, et preces illis pro vobis porrigitur, et qualiter in judicio ipsius causæ procedere debeant apertissima ratione monstramus. Multi etiam fratrum nostrorum cardinalium, intuitu

episcopatum.

(39) Is fuerat canonicus regularis S. Victoris Parisiensis, ut scribit Ciaconius, creatus cardinalis ab Adriano IV, qui et ipse fuerat S. Rufi canonicus regularis.

dilectionis nostræ, litteras suas juxta formam litterarum nostrorum judicibus illis transmittunt. Et hæc quidem omnia ex apertione rescriptorum aperiens vobis clarescent.

XII.

Petri, papæ camerarii, ad Guarinum, abbatem S. Victoris. — Condoleat domus ejus gravaminibus.

Venerabili et digne reverendo Patri G., Dei gratia abbatii S. Victoris Parisiensis, frater PETRUS, domini papæ camerarius, salutem et devotam reverentiam.

Litteras vestras sicut charissimi Patris benigne receipimus, utpote qui honori et obsequio vestro intendere dispositi sumus et parati. Auditio autem scandaloustræ domus condoluimus, et qualiter exinde solliciti fuerimus Deus scit, et opere, quantum rationabiliter petuimus, studiuimus demonstrare. Rogamus autem bonitatem vestram quatenus nos capitulo vestro et eorum orationibus commendetis.

XIII.

Alexandri et Th. cardinalium priori et fratribus S. Victoris. — Hortantur eos ad regulæ observantiam.

ALEXANDER, dignatione divina, tituli Sancti Laurentii in Lucina, et Tu. (40) tituli S. Vitalis presbyteri cardinales apostolicæ sedis legati, dilectis et diligendis semper in Christo fratribus priori et capitulo Sancti Victoris, non respicere in vanitates et insanias falsas.

Quod scribimus vobis et universitatem vestram visitamus salutationis alloquio, de cordis affectu, ac bona quam erga vos habemus voluntate procedit. Attendentes enim quantum olim Ecclesia vestra in religione claruerit, et quomodo luce sua in multis locis noctem illustravitaljenam, optamus admodum, et si facultas detur, libenter volumus existere adjutores. Et quia minus secundus ab aliquantis diebus ex neglectu forte cultoris ager vester apparuit, secunditatem pristinam, Deo irrogante, recipiat et in observantia sacræ religionis et fructu vitæ ita refloret, ut ordo canonicus, qui aliquantulum videtur in locis plurimis infirmatus, per exemplum vestrum atque doctrinam amissum recipiat, Deo adjuvante, vigorem. A plurimis retro annis multum scimus impensum, ut Ecclesiæ vestrae status mutaretur in melius, et tolleretur e medio quod secunditatem dicebatur divini germinis impedire, et videlicet id dilatum hactenus, et eo tempore reservatum, quo facilius et cum minori onere vestro effectum possit habere. Non credatis hoc opus hominis exstisisse, sed illius potius, qui posuit arenam terminum maris, et dixit ei : *Huc usque venies, et hic infringes tumentes fluctus tuos* (Job xxxviii, 11). Eapropter universitatem vestram monemus et exhortamur in Domino, quatenus grati ei de tantæ super vos benignitatis indicio existentes, levetis corda vestracum manibus

(40) Hunc Theodinum vocat Ciaconius, superiorius Theodericus dicitur.

(41) Hinc apparet Ervisium dignitati abbatiali ce-

A ad eum in cœlum, et ita in observantia sacræ religionis immensa studia vestra dirigatis, ut quia Deo suit cura de vobis, qui nisi adjuvisset vos, paulo minus habitasset in inferno anima vestra, non interveniamini vos de salute vestra existere negligentes, et pro minimo ducere quod tam misericorditer et tam suaviter Deus voluit vobis providere. Obedite abbatii quem divina vobis videlicet miseratione concessum, habete ipsum sicut patrem animarum vestrarum in omni reverentia et honore, et simulatibus omnibus scandalisque sedatis, communibus votis et tota virtute contendite, ut bonus religiosus odor, qui olim de loco vestro usqueqnaque flagrabat, per Ecclesiam Dei magis ac magis debeat redolere. Profecto nos qui eum pro sua religione sincere charitatis ulnis amplectimur, et profectum ejus nostrum proprium in Domino reputamus tanto vos in visceribus Christi chariores habebimus, tantoque libentius negotia vestra per nos et per eos qui nobis crediderunt promovere curabimus, quanto amplius ei obedientes noverimus ac devolos, et majori sinceritate dilectionis cum eo audierimus ambulare.

XIV.

Alexandri papæ III ad Robertum priorem et capitolum S. Victoris. — Ejusdem argumenti.

ALEXANDER episcopus, servus servorum Dei, dilectis filiis ROBERTO priori et capitulo S. Victoris Parisiensis S. et A. B.

Sæpius dilectum filium nostrum Ervisium abbatem vestrum, et nunc etiam per scripta nostra muniuimus atque mandamus ut negotia (41) Ecclesiæ vestrae, etc. Vide in Alexandro III.

XV.

Guarini, abbatis S. Victoris, ad Coelestinum papam III. — Gratulatur ei de ejus promotione, commendaque illi S. Victoris ecclesiam.

Sanctissimo domino et Patri COELESTINO (42) Dei gratia summo pontifici, frater GUARINUS pauperum Ecclesiæ S. Victoris Parisiensis minister humilius, cum cæteris ejusdem loci fratribus, debitum tanto Patri obedientiæ obsequium et reverentiæ plenitudinem.

D Omnipotenti Deo, Pater sancte, etc: Vide in Coelestino III, inter epistolulas diversorum ad ipsum.

XVI.

Guarini abbatis S. Victoris ad Philippum regem Francorum. — Ut finem imponat dissidio Granmontensem.

Illustrissimo, Dei gratia, Francorum regi PHILIPPO GUARINUS, divina dignatione, pauperum ecclesiæ S. Victoris minister humilius, sic divina misericordia regnum terrenum regere, ut in cœlo possit regnare.

dentem, non omni fuisse regimine extutum, sed aliqua ei administranda reservata.

(42) Creatus est summus pontifex 12 Aprilis 1191.

Cum de personæ vestræ celsitudine fideli narratione cognoscimus ea quæ ad animæ vestræ profectum coram Deo, et ad honorem coram hominibus pertinere noscuntur, gratum nobis plurimum esse noveritis et acceptum. Inde est quod non mediocriter gratulamur in Domino, quia super pauperibus clericis Grandimontensibus virtus Spiritus sancti vestrum cor tetigit, et ad compassionem inclinavit affectum, qui ad confusione sanctæ matris Ecclesiæ et totius religionis opprobrium, miserabile omnibus Denm timentibus coacti sunt exsilium sustinere. Excellentia vestræ nobilitas cæterorumque principum servientium Deo, cœlestium sacramentorum ministros, quibus traditæ sunt regni cœlorum claves a Domino, reverenter honorat. Sed eos Grandimontenses conversi qui in religione fratres esse debuerant, in honeste (43) tractando, turpiter inhonoran! qui tamen a vobis cæterisque magnis personis tanto studio desiderant honorari. Obedientiam et humilitatem ministris Ecclesiæ prædicant, ne scientes Scripturas, neque virtutem Dei; sed ut eis ab Ecclesiæ ministris obediatur, non ut ipsi ministris obedient, qui magis inobedientes et rebelles existunt;

A Ipsi etiam Deo, quod gravius, quia vicariis Dei. Mirantur viri virtutum, qui absque omni hæsitatione Dei spiritum habent: sapientum quoque et religiosorum multitudine tam maxima, quæ dinumerari vix possit, quomodo ministri Dei tam diurno tempore, tam intolerabilia potuerunt sustinere, nisi quia eorum statu sepulto, lux neicum lucebat in tenebris, et tenebræ eam non comprehenderant. Ordinante vero, ut credimus, Dei clementia, vestris temporibus est reservata correctio, ut tantum tamque excellens Dei opus vos Regis æterni ministrum in bono et cooperatorem fidenter habeat. Celsitudini igitur vestræ supplicamus attentius, ut illam recti consili, quam a principio divina vobis ut prædictissimus, pietas inspiravit, felici exitu consummare velitis (44), malignantium lingas magnæ cautela sollicitudinis declinando, quæ sub boni specie, diabolice nequitiae venena proponunt, et fructuosam sanctæ religionis correctionem, quam vestris diebus Spiritus sanctus reservare disposit, maligni hostis arte nituntur destruere. Conseruet vos Deus ad honorem sanctæ Ecclesiæ per tempora longa incolument.

ANNO DOMINI MCLXVI.

ODO PRIOR S. VICTORIS

POSTMODUM

ABBAS S. GENOVEFÆ PARISIENSIS

NOTITIA

(ODONI, *Comment. de Script. eccles.*, II, 1255.)

Odō, sanctæ Genovæ Parisiensis abbas, canonicus primum Regularis, ordinis divi Augustini, in abbatia Sancti Victoris ad muros Parisienses, vir eximiæ pietatis et doctrinæ, post mortem clarissimi et doctissimi viri Hugonis Victorini, quæ anno 1140 contigit, ejusdem Ecclesiæ prior sub abbate Gilduno factus est. Tunc ex priore assumptus ad regimen abbatæ novæ Sanctæ Genovæ Parisiensis, primus illius abbas institutus est, anno 1147, a Sugerio, supremo regi sub Ludovico Crasso ministro. Is ad preces sancti Bernardi, qui Parisios veniens, apud Sanctum Victorem excipi et comimarari solebat, suorumque Sancti Victoris fratrum, ob commodum cœnobii sui antiqui, aquam flavioli sui de Beveris, vulgo *de Bièvre*, a consueto canali per hortos Sancti Victoris deflecti permisit, ut hodie adhuc illuc fluit. Vir autem doctus Odō ac dictione eloquens, scripsit *nonnullas ad diversos epistolas*, quas habes ms. codice 656 bibliotheca Sancti Germani Parisiensis, illiusque eratas, edidit dominus Lucas Dacherius tomo II. *Spicilegii* sui. Has epistolæ perperam Guillelmus Cavus in *Historia Scriptorum ecclesiasticorum*, pag. 677, ad annum 1160, attribuit Odoni, patria Cantiano, monacho Benedictino, cœnobii Cantuariensis priori, quas vél si leviter rotatu oculi respicere dignatus fuisse, haudquaquam ad hunc Odonem monachum spectare animadvertisset, maxime cum illas Odoni, Sanctæ Genovæ abbatæ et canonico Regulari, Lucas Dacherius ascribat, quem nec Cavus quidem vel leviter aspexit aut volvere voluit. In hoc autem ms. codice de quo locutus sumus, qui 500 annorum est, sequentes adhuc sermones habentur, quos scripsit, dum esset prior abbatæ Sancti Victoris.

4. De verbo Domini, qui incipit: *Qui ex Deo est, verba Dei audit. Magnum est bonum et necessarium, fratres charissimi, ex Deo esse*, etc.

(43) Quousque progressa fuerit conversorum illorum insolentia vides in epistola Grandimontensi quæ tom. I Anecdotorum edidimus pag. 846.

(44) Anno 1177 Philippus Augustus de baronum suorum consilio, quosdam edidit articulos a nobis editos tom. I Auctoret., pag. 847, ad conciliandam

pacem inter clericos et conversos Grandimontenses, quibus non videntur acquivisse conversi, ut colligitur ex egregia epistola Innocentij papæ III scripta anno 1215 ad Robertum de Corchon legatum suum, qui plus æquo favebat conversis.